




知  
八

436
4424
云南省图书馆



deli 得力集团有限公司  
 基字02260122号 No.6230











秦齋怨小引

蓋嘗盱覽今古緬思往哲若將想見其人者  
忠公恒擬名書室曰蘇齋已竊念青青一子  
稅駕何日輒欲追步子瞻不幾捨榆枋者希垂天之  
飛乎低徊焉弗敢者久之去年天台泐師降蹕余家  
余叩問徃世因緣師云在宋爲太虛秦觀余心獨私  
自喜也生平讀東坡書如歐陽率更坐臥索靖碑下  
不能去夢寐中幾欲一恍惚之不可得而前生迺獲  
與魯直晁張追隨於琴樽杖履之間且甚久人至哆



稱之爲蘇門四學士之一也豈不幸哉遂名室曰秦齋於時秋也貧之苦秋爲甚悲秋之辯亦曰貧士失職而志不平婦又臥病藥餌所需簪裾之屬靡孑遺矣愁眉相對聊以韻語自遣耳故作贈婦貧病詩亡何遭荀奉倩之傷又作悼亡詩十韻不止而又百首悲秋未已而又哀春孔子曰貧而無怨難貧而無怨猶且難之又况於死喪之戚其能無撫膺而太息歎故貧病怨之始也悼亡怨之終也總名怨云

崇禎丙子仲春三日天寥葉紹袁題



讀葉仲韶午夢堂集感賦

仲韶嫂氏沈夫人宛君以才名聞江以南長女字  
昭齊季字瓊章皆妙敏詞翰仲子聲期尤慧聲期  
早殤瓊章繼之昭齊又繼之夫人最後亦亡仲韶  
多遘奇哀不能自豁乃日取夫人及諸子女集點  
定梓之彙附悼亡諸篇于後題其編曰午夢堂首  
載鸚吹集卽夫人作也夫人麗匹才子且早副六  
珈推以恒情宜無所恨顧鸚吹集中多作恨語湯  
臨川曰情不知其所起一往而深殆謂是乎今稱

詩之閨秀不一然博洽羣書者率乏姿韻及乎曉  
風殘月之曲又鮮大家媚麗高雅鸚吹爲僅卽窈  
窕之姿淑令之範亦于詩詞彷彿如睹屈指閨流  
殆罕其擬矣昭齊遺集自題愁言若有鬱而難言  
者返生香則仲韶取以名瓊章集謂其歿有仙兆  
冀其再來聲期入仲韶夢進一編曰百旻遂以命  
之末載聘女矢貞事亦奇節也吳有女僊泐子以  
少君術作佛事頗能言夫人及諸子女前後因謂  
瓊章方爲月府侍書窈聞徵仙錄盡祖其言夫人

在日曾集諸韻婦詩詞成帙名伊人思業未就而  
亡仲韶欲竟其志姑取其已成者梓之自梓悼亡  
諸作爲秦齋怨梓諸子哭母詩文爲岷雁哀松陵  
閨閣多才強半夫人姻戚夫人亡薨致誄章仲韶  
悉梓之爲形奩續些凡十種先是庚申歲予從家  
君晤仲韶松陵仲韶甫及壯偉麗如神仙中人今  
予再過此扁舟晤我江湄膠然病皤然老矣予驚  
問之則神傷而不能答第出此編示予予讀未數  
紙亦淚盈盈漬行間以是知仲韶之不能堪也因

憶予弱冠喪室人尹遺有斷香刻仲韶曾讀之爲  
予含悽今乃更讀鸚吹邪未免有情誰能遣此爲  
歌十五絕以永哀痛

其一

旅人愁思正無端風雨孤舟戍漏殘午夢堂編傳恨  
事燈前顧影泣沈瀾

其二

伯輿慟絕將誰恨解得情悰鸚吹詩縷盡傷心非筆  
楮杜鵑江夜有餘思

其三

刻羽抽黃不足論  
腕中歛得月花魂  
行雲還逐香光散  
譜作真真帳上痕

其四

才麗一身兼福慧  
風流千古不能雙  
江南從此無芳草  
夜合何心發故牕

其五

母子閨中互友師  
絕憐早慧有文姬  
絃摧柱折留餘響  
待續宮商倩阿誰

其六

左家嬌女盡能吟  
隻影還悲子敬琴  
那更影隨哀韻  
散傷心事托古今人

其七

素女爲師式萬方  
煙霞賡和滿笥箱  
君門盡屬神仙  
眷何事教人屢斷腸

其八

作記曾聞李長吉  
侍書今說葉瓊章  
九天亦復稱才  
乏獨向人間索女郎

其九

未遇封胡也不群  
絮風佳句獨傳聞  
如今盡入徵仙錄  
慘殺湘娥未識君

其十

兒女盡能工筆墨  
鹿柴無恙友文妻  
清緣近作傷心事  
無葉堂中聽指迷

其十一

長夜霰霰魂黯然  
人天仙佛想奇緣  
多情故是多狂憾  
且把巫言代問天

其十二

筆墨精靈還類聚  
閨才強半屬松陵  
此二聲續得鸚吹  
韻轉使芳魂慧業增

其十三

羊曇有恨在西州  
景物無情絕詠酬  
獨向諸狐收淚楮  
一編哀響自成愁

其十四

更教幽怨徹人間  
索得名媛集手刪  
宇宙于今添恨史  
斷腸有句莫藏山



其十五

風流才子原多恨寂寞今傷奉倩神我亦有懷中坐  
起廿年積淚對霑巾

西蜀友人劉泌晉仲甫題

晉仲太僕劉勿所先生子也先生宓琴我邑神明  
千古余茆支時蚤受先生元禮之鑒寤寐弗諼永  
懷矢日晉仲少年卽才名冠峨眉閣間駸駸淵  
雲長卿四矣丙子領西川解元丁丑暫罷南歸訪  
我于釣雪之澣樽酒論文班荆叙故已歎歎弔且

慰也爰賦諸詠纏綿悽惻可必安仁善誅漱金石  
哉宜尊弁首爛然鼎呂云

如歌似非玄晏意也故

僅列悼什之前知己傷神河梁非邈關山明月一  
笛秋風積淚霑巾念言同怨云爾晉仲夫人尹儷  
班軼蔡遺奩斷香藥宮不可返矣晉仲妹字文玉  
令暉之名不亞明遠文玉小姑顧媛宛初翰采聲  
光一時竝駕晉仲許我索二彤管賜撓閨亡九原  
不朽感又何可言也天寥葉紹袁識

秦齋怨

吳江 天寥道人葉紹袁

撰

乙亥秋日贈婦貧病詩十首

獻歲夾鐘應律亡我次兒兒配未婚矢誓靡慝天  
桃將華標梅未墜遽歌汎柏之舟言駕秣薪之馬  
人孰無心不傷斯感北堂一慟南矐掩芒啜其泣  
矣何嗟及矣旋又孩抱幼子摧芽隕茁迭遭異變  
境會慘毒內人因嬰嘔血之疾昉於徂暑爰暨仲  
秋子焉在床蕭然斗室寂寥屏棍感百其憂而迺



藥餌所需非參罔效貧士辦此苦逾餐藥德耀之  
 釵柴荆少君之裳短布業已費去未遂霍然詠閉  
 門高枕之詩但嗟肺病誦萬族孤雲之句祇切憂  
 貧况夫秋氣最悲愁人善鬱霜花照雨白酒澆燈  
 露葉啼風紅蕪入幙無聊之中漫賡前韻癸酉有貧病詩  
 彥先贈婦無假平原之篇徐悝與內匪待青陽之  
 想稍以消遣病懷排釋貧况也

其一

柴門恒似北門貧碧簾寒香鎖病身却怪病如秋塞

雁直教貧泣織綃人龍丘煙壑貧閨士鹿洞書床病  
女臣回首昔年貧病日蓼風葭月一簾新

其二

燕子憐人病也飛紫花貧發舊荆扉貧無仙藥成黃  
白病有禪那證是非好待病康須戒惱漫隨貧活莫  
生違西風一夜貧牕雨踈箔先應掩病幃

其三

阮郎貧疊碧山重病裏童丸恨未逢團扇篋塵封病  
月流黃機澁鬧貧蛩辭貧桐葉飄乾井惜病菱花想

舊容正是病貧心似結藕塘初落白芙蓉

其四

巧將婦病更貧予風雨瀟瀟一敝居竇錦夜涼貧未  
織秦釵人在病無書神丹病竇三年艾幽曲貧賡九  
月擣貧促羅衾今夜薄莫教病狎素屏虛

其五

林下清貧道蘊家因風飛絮病交加病縫芰服同中  
隱貧搗萸棗攝有涯絡緯梭貧霜漸滑芭蕉心病那  
方賒紫簫病後無消息且耐餘貧看菊花

其六

感病眠愁故不消窮秋貧語怨聊聊瓶花供笑貧相  
慰本草尋方病益饒病緘衣箱拋鎖繡兒亡貧留裙縷  
賣香燒女亡卿卿莫更傷情事貧病誰憐此一宵

其七

菴房凍紙弄貧涼布幙猶嫌病怯當葶莢煮湯聊病  
暇茶壚添火卽貧忙消貧幸有兒詩句診病須推脈  
躑陽總爲病貧縈悶緒碧煙白霧兩蒼茫

其八

病祟緣多日日生粧臺貧似一銖輕  
樟梳膩褪貧奩  
淨松枕脂香病影清病向傷心存瘦骨貧因知命破  
愁城少君故自甘貧隱病甚空慚鮑子名

其九

嘗將涕淚葛衫侵貧屋淒涼慘病陰去歲病連今歲  
發今秋貧續去秋深貧追護背壘空恥病摘蘭芽夢  
不尋卿病我貧人莫笑古來貧病幾堪禁

其十

貧悶年年悶不休病來更莫逾今秋元因病劇憎貧



苦益軫貧窮起病愁卻病色空俱渺渺長貧仁義但  
悠悠慘悽自昔傷秋月惆悵孤雲水上浮

內人病甚未卽起色藥餌看視之暇爲兒輩點定  
房本都成悶况鬱鬱掩卷又復情緒索然庶幾愁  
吟可以解之再作代答十首亦當救生之發也

其一

三十年來總是貧嫁時衣賣病隨身嘗嗟病境傷前  
事獨閉貧閨對古人貧裏光陰歸子女病中圭七按  
君臣無端一病添貧惡蒼齒開殘稻黍新

其二

弱比銀床病葉飛  
蒿廬貧掩薜蘿扉  
貧誇知己常親  
慣病愛依人不解  
非悲愴近來因病  
遣心情強半爲  
貧違如君貧室真  
堪幾况復淒然侶  
病幃

其三

雙眉綠鎖黛痕重  
自怨貧中病忽逢  
昨夜病魂憐瘦  
鶴今朝貧氣滿秋  
蛩十年宦海稱貧  
士八月宮湖鑑  
病容我病欲慚黃  
菊影君貧豈礙集  
芙蓉

其四

芙蓉貧悄正如予寥落秋風病獨居  
師泐宵垂回病  
訣女清可有療貧書貧慳雨露空  
甘薺病飽風霜自  
曲樗不忿朝來聞喜鵲病魔貧鬼幾時虛

其五

病嗔椽橐問鄰家貧累相牽悶轉加  
自有愁腸貧伴  
侶至今淚眼病生涯藥鎊病煮黃金貴  
米醜貧炊白  
玉賒莫訝貧齋最蕭索病餘還剩一庭花

其六

盈盈秋色綴貧消紙帳流光病不聊  
病韻漫拈慈筏

印貧心遠映石泉饒安貧苦節從儒受祓病靈符拜  
佛燒但願病今旋釋去與君貧夜即良宵

其七

西風人病橘橙涼蟋蟀哀貧叫莫當舊憾暗遷貧在  
葦新愁無賴病匆忙病懷驚病悲貞俠時世兒配顧家女病貧  
日移貧度夕陽觀此百端交集在一床瘡病兩茫茫

其八

積墻蔓草護貧生懶拂圓冰試病輕病骨峻嶒疑木  
稿貧壑淡泊覺塵清耽貧故冷春明夢怯病虔飯毘

舍城爲問梁家婦病否布荆貧助五噫名

其九

病枕橫陳曉夕侵貧簾斜蒜掛踈陰自憐情性貧偏  
合故遣膏肓病入深聲咽病簫腸九斷女樹埋貧玉  
恨千尋亡兒秋來已是經貧苦欲採茱萸病不禁

其十

紅葉飄零病未休一枝貧不奈驚秋貧當束手誰無  
怨病到中年況是愁細雨殘燈催病老晴江落日照  
貧悠何時病起供貧話剪燭同君拍酒浮

余第五子世儋年十二歲見余貧病詩欣然欲效  
為之和前後兩韻時中秋前三日也母病中亦為  
解頤憐其蚤慧九月母亡君晦來哭痛定之後余  
以儋二詩出之君晦甚為歎訝然怪其語語俱似  
哭母讖也余迺盡然若夢初覺小兒臆中鬼神已  
先告之歟今附於此

一字不改

病雨飄來與淚飛貧時蕭瑟對柴扉青山碧水原  
貧是綠樹紅花豈病非去歲貧光今復又朝前病  
景夕相違秋風半冷貧家况孤月踈牕映病幃

病也何緣戀不休貧腸半斷又驚秋貧拭落花  
亦淚病看飛鳥鳥多愁貧屋獨居常寂寂病床高  
臥自悠悠回首半生無復望恨將貧病了塵浮

朝前病景句與回首半生二語真是哭母先兆

代答十章內人并未及見詩成婦死摧愴如何再  
用前韻爲悼亡之哭

其一

悲秋無奈庾郎貧况復西風殞病身白日三麾成往  
事青田一去不歸人橫釵隱失綦巾婦煒管僊增翠

翟臣哭向高旻何處是愁嵐萬壘裂開新

其二

江鄉日澹午煙飛漠漠簾櫳自竹扉碧嶂萸天人獨  
去紅亭楓月夢俱非數行雁逗珊魂迴三峽猿遲珮  
影違最是傷心共誰遣秋燈清夜一蒿幃

其三

鞠凶天降罹重重哭母悲兒婦又逢淚眼暗翻春草  
蝶斷腸新逐雨牕蛩蕭條家在徒遺壁恍惚人存擬  
畫容西海無麟堪煮角蟹膠那得續芙蓉



其四

三十餘春爾共予死生一夕兩離居茂陵異日終無  
誄上郡何繇再寄書靈韻忽疑飛入月天年恨不學  
爲樗追思繡帳香篝夜碎盡肝腸也只虛

其五

春飈吹散野人家風雨重陽慘更加夜夜明星猶自  
爛滔滔逝水竟無涯床空繡被連香捲裙簇金泥問  
術賒一寸相思一寸淚斷紅飛上杜鵑花

其六

菰鏡空圓，葬彩消粧，臺人去若何。聊女郎石冷，三生短妃子琴悲。兩淚饒玉匣埋香，留骨鑱紙錢，烘酒對靈燒。敲欄今夜芭蕉雨，銅漏聲聲逾百宵。

其七

風欄雨榭，日淒涼慘境，於今我盡當。幾待留衫啼血，濺一回見影。眼花忙珠哀秋鳩，猶金谷鐘怨寒鴉自景陽。誦典叅禪，俱是誤九原，誰料驟茫茫。

其八

音容宛在已非生，猶掛流蘇素雪輕。祇有斷鴻知我

苦暫將明月彷彿君清羅衣袖裊思荀癖織手脂香憶  
管城翻到銀光箋上句彩雲飛散僅傳名

其九

辛楣晝永暗塵侵風弄牕紗送夕陰簫管有情垂脉  
脉香籠無伴鬱深深嘗思語笑期相問忽憶芳華更  
莫尋回首可憐殘歲月無家無室淚誰禁

其十

絲鬢情多悼未休曲終湘瑟九疑秋緣慳獨漬鴛衾  
淚命薄真成鳳穴愁楚國無香魂不返漢宮有草夢

還悠黃童昨夜新啼哭。別盡枯心噴血浮。

楚中周元孚悼董安人少玉詩云愛子可知還繼  
母思妻况復是貧家妻亡而貧哀莫甚焉感念斯  
言愴懷不盡仍用前韻再賡十章。

其一

君去惟留我獨貧。平津雄劍歎孤身。玉簫何日重偕  
爾。紙帳今朝一旅人。共識蓬山鶴有主。欲通弱水雁  
無臣。低徊漫落襟前淚。灑向青燈夜夜新。

其二

明光一操雉朝飛九月梨花雪映屏檢點塵奩梳櫛  
是徘徊荒榻枕衾非青閨梵葉香初歇白日淮仙願  
已違未訪營陵海上客但嗟潘岳佇空幃

其三

羽車一去隔千重哭斷黃昏再不逢身似捲殘春盡  
絮心同叫碎夜深蛩畫羅階下誰看月湘竹簾中好  
掛容寶曆暗消芳鏡掩薰籠欹冷碧芙蓉

其四

堪傷寧有過於予半世拚將付曠居貧賤更誰同意

氣憂愁獨自臥詩書雄心灰盡吹難焰世法緣辭任  
作樗回憶相期幾許話忍令綠髮頓成虛

其五

傳聞蓬海是君家偶到塵凡謫暫加女作修文歸帝  
所室無主饋似天涯佩環聲去凌波杳膏沐容銷樹  
草賒惆悵臨風一慟哭江干無數落蘋花

其六

誰把藍田玉種消畫眉臺上月悽聊花憐故影時時  
度塵愛空廊處處饒有淚不知頻自滴無言祇是烈

如燒燈前兒女樽前酒難叩仙局共此宵

其七

鷓鴣啼老蓼阿涼萬拍胡笳也未當但憫新愁人共  
慰那知舊事自思忙寒衣無復憐夫婿芳草從今不  
載陽流水高山成絕調白楊青塚最荒茫

其八

破鏡鸞孤萬感生開箱空驗羽裙輕典衣券雜遺詩  
積賣珥匳餘蠹粉清淑令青春留素幙高情白雪映  
寒城浮生五十猶慳四那論他年道蘊名

其九

初驚三伏病相侵  
忽墜殘秋蜀魄陰  
半夜夢催孤枕  
濕終宵愁送一燈深  
爐香猶是雙鬟藝  
繡帶誰教小婢尋  
偏有黃花殊不解  
低枝婀娜似難禁

其十

蝸場我亦自甘休  
祇奈殷貧對獨秋  
欲覓琴書先引  
淚忽看花鳥又供愁  
青天不惜瓊瑤折  
白髮誰捱日月悠  
想到來生重見處  
或堪舒悶兩眉浮

再續七言絕句一百首



其一

竭來無處不淒涼  
風景依稀盡可傷  
秋色那知人正  
苦故飛紅葉入愁觴

其二

夢半驚回漏點遲  
燈花落盡淚痕滋  
青羊城上三更  
月高掛秋宵照別離

泐師云亡婦卽秦太虛夫人同居青羊城也

其三

博山銷縷畫屏虛  
雲笈香留艾席書  
檢盡殘箋數行  
淚遺文應奏女相如

其四

藥珠宮召謫仙才最是傷神奉倩哀螺黛不描真散  
朗元非脂粉隊中來

其五

悼亡無奈更傷貧四壁蕭然但鎖塵留得龍盤虛玉  
貌從教哭殺畫眉人

其六

眉前夫婦膝前兒一處心情一處思欲驗斷腸人不  
見試看雙淚落千絲

其七

米鹽瑣屑更如何我待無心聽自過  
但恨繡幃花月夜清燈誰復照雙蛾

其八

生來性癖是耽香襦素先薰  
礦面粧猶剩水沉光數片燒成心字訴高蒼

其九

恍憶當時桂葉初翠鈿春掠黛煙梳  
而今三十年間夢蒜影空餘霧箔踈

其十

粧臺明鏡碧籠紗  
徐淑才情亦不誇  
一自紫簫聲斷  
後半庭荒草伴梨花

十一

草色依然送夕陽  
芳魂渺漠不還鄉  
閑階露白啼螿  
冷風月平分各斷腸

十二

瞳矐初日映牕明  
一檻寒光碧簾情  
繡纒織紅何處  
去薰籠斜倚綠紗橫

十三

尋思黯黯獨潛然  
金縷香飄暖玉煙  
猶記畫欄微步  
處海棠花下是今年

十四

處處傷心事  
事非遙天風雪欲何依  
殢人惟有黃昏  
在哭盡殘缸漫掩扉

十五

百念俱灰淚未灰  
小廊閑立影徘徊  
秋雲故作無情  
色片片東飛更不迴

十六

空床香滅枕虛陳  
綃帳花寒繡履塵  
滿院落英斜日晚  
秋霜零後更無春

十七

籊籊蕭蕭似昔時  
踈香閣外響參差  
三年灑盡千行淚  
又灑千行染舊枝

十八

楓葉江山楚國天  
數聲砧杵送嬋娟  
瀟瀟半夜離亭雨  
濕盡閑花是惘然









